

Na osnovu člana 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“, broj 7/10), i usvojenog Programa utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacijama“, Budžeta Zeničko-dobojskog kantona za 2013. godinu, broj: 02-14-3951/13 od 14.02.2013. godine, na prijedlog Ureda premijera, Vlada Zeničko-dobojskog kantona, na 116. sjednici, održanoj dana 03.07.2013. godine, d o n o s i

ZAKLJUČAK

I.

Odobravaju se novčana sredstva Islamskoj zajednici u Bosni i Hercegovini, Medžlisu Islamske zajednice Maglaj u iznosu od 1.000,00 KM (slovima: hiljadu konvertibilnih maraka), na ime finansijske pomoći za završetak radova na džamiji u Mjesnoj zajednici Bradići, općine Maglaj.

II.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2013. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija “Transfer neprofitnim organizacijama”.

Sredstva uplatiti na žiro- račun Medžlisu Islamske zajednice Maglaj broj: 101 145 005 200 4624, otvoren kod: Privredne banke d.d. Sarajevo Filijala Maglaj.

III.

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

IV.

Obavezuje se korisnik sredstava da Uredu premijera Zeničko-dobojskog podnese izvještaj o utrošku sredstava u roku od 30 dana po utrošku sredstava.

V.

Zaključak stupa na snagu danom donošenja.

Broj: 02-_____/13.

Datum, 07.07.2013. godine.

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ured premijera,

1x Medžlisu Islamske zajednice Maglaj,

Viteška 6, 74250 Maglaj (putem Ureda),

1x Ministarstvo finansija,

1x a/a

Obrazloženje

Pravni osnov:

Sadržan je u odredbama propisa navedenim u uvodu predloženog Zaključka

Razlozi donošenja:

Predsjednik vijeća Mjesne zajednice Bradići i Glavni imam maglasjki su se obratili Uredu premijera Zeničko-dobojskog kantona sa molbom za pomoć za završetak preostalih radova na novoj džamiji i uređenje infrastrukture oko džamije u džematu Bradići, općina Maglaj.

Uz molbu za dodjelu pomoći priložen je i Predmjer radova iz koga se vidi da je za završetak džamije potrebno još oko 28.000,00 KM, koje i pored svih napora Medžlis islamske zajednice Maglaj i Mjesna zajednica Bradići ne mogu obezbjediti, te im je jedina nada Vlada Zeničko-dobojskog kantona.

Finansijska sredstva:

Na razdjelu Ured premijera, budžetska organizacija 01, potrošačka jedinica 0001, ekonomski kod 614300, pozicija „Tekući transfer neprofitnim organizacijama“, Budžeta Zeničko-dobojskog kantona za 2013. godinu, planirana su sredstva za ove namjene.

Imajući u vidu naprijed navedeno cijenimo da je zahtjev osnovan i predlažemo donošenje ovog Zaključka.

ŠEF UREDA

Dženan Begović